

# UMS Bersiap Sedia Untuk MASUM

Oleh Sharifah Najaa Wafa

Kota Kinabalu, 14 Mei - Seramai empat atlet Silat Universiti Malaysia Sabah (UMS) menjalankan sesi latihan awal sebagai persiapan menghadapi kejohanan Majlis Sukan Universiti Malaysia (MASUM) pada Julai depan.

Atlet Silat UMS, Siti Nurnazurah bt Md Shahrudin berkata latihan yang intensif serta kegigihan atlet dalam memberikan komitmen terhadap kejohanan MASUM mampu meningkatkan mutu persembahan para atlet.

“Penglibatan atlet secara serius mampu mengorak langkah dalam menjayakan sukan negara. Melalui persiapan atlet dengan lebih awal mereka mampu sedia dari segi mental dan fizikal sebelum menghadapi lawan masing-masing dalam kejohanan MASUM,” katanya.

Kini kesemua atlet giat menjalankan latihan di Dewan Taekwondo UMS yang dilengkapi dengan peralatan latihan yang mencukupi, ujarinya.

Tambah Nazurah, mahasiswa terutamanya atlet juga mampu meningkatkan sahsiah diri demi kepentingan masa depan diri, bangsa dan negara.

Menyediakan atlet cemerlang yang berterusan dan bersedia bertanding merupakan misi dan visi yang sering dipegang oleh atlet silat UMS merupakan kata-kata pendorong semangat dari En. Awangku Muhammad Daud bin Hj Sulaiman selaku pembimbing silat.

“Amalina Bt Md Salih dan Siti Nurnazurah Md Shahrudin berhasrat untuk merebut pingat emas dalam sukan MASUM akan datang bagi mengharumkan nama UMS,” jelasnya.



Atlet-atlet yang bakal mewakili UMS dalam MASUM.

Empat atlet yang akan mewakili UMS dalam acara tersebut adalah Amalina Bt Md Salih, Hezianna Juan, Sherwood Bin Mohd Adam dan Siti Nurnazurah Binti Md Shahrudin.